


百川學海

五三

九經補韻  
宜齋野乘  
芥隱筆記



漢書門			
三	三	三	三
一	一	一	一
四	四	四	四
六	六	六	六
七	七	七	七
三	三	三	三
冊	架	函	號

內閣文庫			
三	三	三	三
七	七	七	七
〇	〇	〇	〇
函	函	函	函
一	一	一	一
七	七	七	七
架	架	架	架

內閣文庫	
番號	漢 3144
冊數	33 ( 3 )
函號	370 35

甲集

三



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





九經補韻序

淺草文庫

字學淹廢已久。學者無以寤疑辯惑。僕性者古癖書  
傳。因涉獵諸經訓釋。或同字殊音。或假音如字。若此  
者。眾韻書率多不載。竊有感焉。如禮部韻一書。政為  
聲律舉子設。紹興間三山黃進士嘗補選進

上。乃亦闕略弗備。近嘉禾吳教杜復申明。僅增三字。  
僕之惑滋甚。益若禮記歛般請以機封。毛詩猗儺其  
枝之類。庸可諉曰是喪制所出。非程文所當用。或音  
義弗順。非韻語所可押。至如周禮舍采合舞之為釋。



萊毛詩鱸鮪發發之為鱖鱖皆足正後學之傳訛助  
文場之窘步一切置之可乎迺即經釋蒐羅粹為一  
編非敢上于官以求增補亦非敢淑諸人以侈聞見  
姑藏家塾以擊蒙昧博識君子幸毋我誚嘉定十有  
七年冬十月幾望代郡楊伯岳彥瞻序

九經補韻

宋 楊伯岳集 明姚應仁閱

周易

假

更白切

家人

王假有家

合於入聲二十陌韻內添入

尚書

夾

音協

禹貢

夾石碣石

合於入聲三十帖協字下添入

毛詩

殷

音隱

殷其雷

合在上聲十九隱隱字下礮亦作一

發

補末反

碩人

鱸鮪發發

合在入聲十三末鱖字下亦作一

摧 采臥切

鴛鴦 摧之秩之 合於去聲三十九過韻內添入

揄 音由

生民 或春或揄 合於下平聲十九尤由字下添入

假 音格

烝民 昭假子下 合於入聲二十陌格字下添入

黷 時審反

泮水 食我桑黷 合在上聲四十七寢甚字下甚一作一

周禮

苦 音古

天官下典臬 受苦切 合於上聲十姥古字下添入

橐 讀為犒

地官上 橐人 合在去聲三十七號犒字下亦作一

政 音征

地官上小司徒 施其職而平其政 合於下平聲十四清征字下添入

肆 託歷反

地官上大司徒 羞其肆 合於入聲二十三錫韻內添入

奠 音定

地官下賈師 展其成而奠其賈 合於去聲四十六徑定字下添入

列 祿計切

地官下稻人 以列舍水 合於去聲十三霽韻內添入

果 讀為裸

春官上大宗伯 攝而載果 合在去聲二十九換裸字下亦作一

甸 音田

春官上小宗伯 若大甸 合在下平聲一先畋字下一作一

狸 亡皆反

春官上鬻人 遂狸之 合於上平聲十四皆韻內添入

脩 讀為滌

春官上司尊彝 凡酒脩酌 合在入聲二十三錫滌字下亦作一

簪 音筮

春官下占人 以八簪占八頌 合在去聲十三祭筮字下亦作一

舍 音釋

春官下大胥 春入學舍采合舞 合在入聲二十二昔釋字下亦作一

彌 音敫

春官下小祝 彌裁兵 合在上聲四紙弭字下亦作一

樊

反步干

春官下巾車 錫樊 合於上平聲二十六歡韻內添入

條

讀為條

春官下巾車 韋路龍勒條纓 合於下平聲六豪條字下亦作一

前

反子踐

春官下巾車 前樊鵠纓 合於上聲二十八彌韻內添入

繩

音孕

秋官下雜氏 秋繩而芟之 合於去聲四十七證孕字下添入

廬

讀為廬

冬官上 秦無廬 合於上平聲十一模廬字下添入

戚

反將六

冬官上 無以為戚速也 合於入聲一屋韻內添入

眼

反魚懇

冬官上 輪人為輪 欲其眼也 合於上聲二十二很韻內添入

卑

音婢

冬官上 輪人為蓋 上欲尊而下欲卑 合於上聲四紙婢字下添入

頤

讀為頤

冬官上 輶人 輶欲頤典 合於上聲二十二很懇字下添入

典

讀為典

冬官上 輶人 輶欲頤典 合於上聲二十七銑珍字下添入

屬

注讀為屬

冬官上 函人 犀甲七屬 合於去聲十遇注字下添入

空

音孔

冬官上 函人 眡其鑽空 合於上聲一董孔字下添入

欄

音練

冬官上 攏氏 以欄為灰 合於去聲三十二霰練字添入

筈

讀為筈

冬官下 矢人 以其筈厚 合於上聲三十二皓筈字下添入

奠

讀為奠

冬官下 匠人為溝洫 凡行奠水 合於下平聲十五青亭字下添入

昔

錯讀為昔

冬官下 弓人為弓 老牛之角紵而昔 合於入聲十九鐸錯字下添入

畏

音隈

冬官下 弓人為弓 畏也者必撓 合於上平聲十五灰隈字下添入

校

讀為校

冬官下 弓人為弓 中有變焉故校 合於上聲三十一巧校字下添入

禮記

敖 五報切

繕 吉政反

載 音戴

術 音遂

鮮 音獻

疆 其丈反

禘 音藥

鹽 音豔

溫 於運反

有 音又

幽 幼糾反

禕 音鞠

辨 讀為貶

顛 音為

賓 必刃反

皇 音往

匪 芳非反

曲禮上 敖不可長 合在去聲 三十七號傲字下亦作一

曲禮上 急繕其怒 合於去聲 四十五勁韻內添入

月令 載青旂 合於去聲 十九代戴字下添入

月令 審端經術 合於去聲 六至遂字下添入

月令 天子乃鮮羔開冰 合於去聲 二十五願獻字下添入

月令 可以美土疆 合於上聲 三十六養韻內添入

郊特牲 饗禘有樂 合於入聲 十八藥藥字下添入

郊特牲 而流示之裔而鹽諸利 合於去聲 五十五豔豔字下添入

內則 柔色以溫之 合於去聲 二十三問韻內添入

內則 三王有乞言 合於去聲 四十九宥又字下添入

玉藻 一命緼鞞幽衡 合於上聲 四十六黜韻內添入

玉藻 再命禕衣 合於入聲 一屋鞠字下添入

玉藻 立容辨卑毋調 合於上聲 五十五琰貶字下添入

玉藻 盛氣顛實揚休 合於下平聲 一先田字下添入

玉藻 必與公土為賓也 合於去聲 二十一震韻內添入

少儀 齊齊皇皇 合於上聲 三十六養往字下添入

少儀 匪匪翼翼 合於上平聲 八微韻添入

美 音儀

少儀 變和之美  
合於上平聲五支儀字下添入

區 古侯反

樂記 草木茂區萌達  
合於下平聲十九侯韻內添入

趨 音促

樂記 衛音趨數煩志  
合於入聲三燭促字下添入

數 音速

同前  
合於入聲一屋速字下添入

喬 音驕

樂記 齊音敖辟喬志  
合於下平聲四宵驕字下添入

橫 古曠反

樂記 號以立橫  
合於去聲四一宥韻內添入

建 其展反

樂記 名之日建橐  
合於上聲二十八獮韻內添入

報 保毛切

樂記 禮有報而樂有反  
合於下平聲六豪韻內添入

肉 如又切

樂記 廉肉節奏  
合於去聲四十九宥韻內添入

羶 音馨

祭義 廷燎羶蕘  
合於下平聲十五青馨字下添入

進 音餒

祭統 百官進徹之  
合於去聲二十二稗餒字下添入

幾 音祈

哀公問 車不雕幾  
合於上平聲八微祈字下添入

愁 子留反

鄉飲酒 秋之為言愁也  
合於下平聲十八尤韻內添入

孚 音浮

聘義 孚尹旁達  
合於下平聲十八尤浮字下添入

春秋

左氏傳

衆 音終

隱公元年 衆父  
合於上平聲一東終字下添入

百 音陌

僖公二十八年 距踊三百曲踊三百  
合於入聲二十陌陌字下添入

介

古賀反

襄公八年 亦不使一介行李  
合於去聲三十八箇韻內添入

蔭

於金反

昭公元年 趙孟視蔭  
合於下平聲二十一侵韻內添入

爽

音霜

定公三年 有兩肅爽焉  
合於下平聲十陽霜字下添入

公羊傳

汜

音流

成公五年 壅河三日不汜  
合在下平聲十八尤流字下亦作一

曼

音蠻

昭公四年 晉人執戎曼子赤歸  
合於上平聲二十七刪蠻字添入

孟子

龍

音壘

公孫丑下 有私龍斷焉  
合於上平聲二腫壘字下添入

艾

音刈

萬章上 自怨自艾於桐  
合於去聲二十廢刈字下添入

已上九經補韻終其音義弗順喪制所出不可入韻者附于後

毛詩

猗

於可反

隰有萋楚 猗儺其枝

作

側隱反

蕩 侯作侯祝

疑

魚陟反

桑柔 靡所止疑

適

直革反

殷式 勿予禍適

周禮

劓

音刮

天官下 劓殺之齊



壇 讀為 夏官上 暴內陵外則壇之

綱 讀為 夏官上馬質 綱惡馬

披 方寄 夏官下司士 作六軍之士執披

方 音罔 夏官下方相氏 歐方良

良 音兩 夏官下方相氏 歐方良

友 畔末 秋官上 赤友氏

冥 音覓 秋官下 冥氏

焉 音夷 秋官下行夫 焉使則介之

春 出允 冬官下梓人為侯 則春以功

羽 音戶 冬官下弓人為弓 弓而羽綱

禮記

拘 古侯 曲禮上 以袂拘而退

橋 居廟 曲禮上 奉席如橋衡

辯 音遍 曲禮上 然後辯殺

勿 音沒 曲禮上 國中以策彗卹勿驅

綏 湯果 曲禮下 大夫則綏之

壇 音善 曲禮下 為壇位

假 音遐 曲禮下 日大王登假

免

音問

檀弓上

檀弓免焉

居

音姬

檀弓上

何居

蓋

反戶臘

檀弓上

子蓋言子之志於公平

革

反紀力

檀弓上

夫子之病革矣

從

音摠

檀弓上

爾毋從從爾

厭

反于甲

檀弓上

死而不弔有三畏厭溺

衡

反華彭

檀弓上

今也衡縫

稅

反他喚

檀弓上

小功不稅

披

反彼義

檀弓上

設披

縱

音惣

檀弓上

喪事欲其縱縱爾

裨

反蒲歷

檀弓上

君即位而為裨

舍

音釋

檀弓下

有司以几筵舍奠于墓左

斯

音賜

檀弓下

我喪也斯沾

沾

音覘

檀弓下

我喪也斯沾

萋

音柳

檀弓下

設萋翼

封

反彼驗

檀弓下

歛般請以機封

追

音退

檀弓下

文子其中追然

耐

音能

禮運

故聖人耐而天下為一家

綦 音忌 禮器

夏父弗綦逆祀而弗止也

將 音祥 內則

炮取豚若將

接 讀為 內則

接以太牢

踐 音翦 玉藻

弗身踐也

言 魚斤 玉藻

二爵而言言歸

辟 婢支 玉藻

大夫素帶辟垂

屈 音闕 玉藻

君命屈狄

報 讀為 喪服小記

報葬者報虞

省 仙善 大傳

省於其君

罔 音患 少儀

君子不食罔腍

提 丁禮 少儀

離而不提心

敦 音純 樂記

樂而敦和

反 音及 樂記

武王克殷及商

適 讀為 雜記上

大夫計於同國適者

稅 他喚 雜記上

繭衣裳與稅衣纁衽為

純 側其 雜記下

皆爵弁純衣

差 七何 喪大記

御者差沐于堂上

僞 音帷 喪大記

加僞荒

盍 音渴 坊記

相彼盍旦

移 昌氏反 表記

衣服以移之

純 音全 投壺

二莛為純

僂 音六 大學

辟則為天下僂矣

緡 音縣 大學

緡蠻黃鳥

卒 音倅 燕義

庶子之卒

春秋

左氏傳

免 音間 桓公五年

免而代之

瀆 音豆 桓公十二年 盟于句瀆之丘

稅 上活反 莊公九年 及堂阜而稅之

輅 五稼反 僖公十五年 輅秦伯

穀 奴口反 僖公二十年 楚闞穀於菟師

斂 音廉 僖公二十八年 盟于斂孟

棺 古患反 僖公二十八年 棺而出之

泚 音雉 僖公三十二年 與晉師夾泚而軍

呼 音賀 文公元年 呼役夫

鄆 音西 文公十六年 盟于鄆丘

被 普皮切 襄公十四年 乃祖吾離被苫蓋

舍 戶暗切 襄公十九年 而視不可舍

封 求付切 襄公三十五年 封具

稅 讀為總 襄公二十七年 公喪之如稅服終身

羹 音郎 昭公十三年 不羹

苑 於元切 昭公二十年 苑何忌辭曰

黨 音掌 哀公十一年 侯於黨氏之溝

公羊傳 昧 亾結反 隱公元年 公及邾婁儀父盟于昧

來 力芍反 莊公五年 倪黎來來朝

悒 音希 成公十六年 在招斤悒矣

杙 勑丁切 成公十八年 盟于虛杙

鶴 音瞿 昭公二十五年 有鶴鶴來巢

穀梁傳

偵 都田反 僖公二十八年 為已偵矣

瘞 在木反 襄公二十八年 宋公殺其世子瘞

禮部韻以畧言人多隘之而議欲增也自元祐國子博士孫諤陳乞添收繼其後則黃啓宗有補韻

九經補韻  
吳棫有補韻補音毛晃有增韻張貴謨有韻略補遺近世黃子厚蔣全甫則又各有論說然踈者隨韻補輯僅得一二詳者至盡採子史蒼雅方言欲增入二千六百五十五而難於行此禮部韻之所以至今未備也涑齋先生治衢之暇日揖任禮於柯山堂而語曰子見吾所纂九經補韻乎先生於無書不讀而以經爲根源補韻之作凡九經中字之假借音之旁通考訂分彙各疏其下若星象之錯落於天而燦然以明平齋洪端明所謂杜門論

著佳哉者此地平齋欲著語而後弗果他日上之朝而頒行於禮部使後世知國家之淑士以經則豈但爲聲韻之助任禮敢寫平齋之志而繫於後  
淳祐四年十一月初吉日門生文林郎充衢州州學教授俞任禮謹題

學於命卦斷斷

郭振四辛十一八卦吉日門主文林源衣漸機  
豈以然恭贈之祖升甄類寫平齋之志而讓於  
時而取於林甄類對於味國寒之味士以錄  
著於世平齋始著而後果出日土之

宜齋野乘

宋 吳枋著 武林翁駿業閱

五帝非官天下

說苑載鮑白令之對始皇曰天下官則讓賢家則世  
繼故曰五帝以天下為官三王以天下為家今觀帝  
王世紀云黃帝次妃女節生少昊則少昊乃黃帝子  
也是傳位與子自黃帝始而非起於夏禹家語五帝  
德及書序注史顯帝紀并通曆皆云顯帝為昌意子  
則亦黃帝孫也是少昊傳位於姪史記家語皆云帝

宜齋野乘

學祖元囂父嶠極又高辛紀注書序注與帝王世紀  
載譽爲黃帝曾孫則顓帝傳位與從姪大戴禮并史  
記云帝譽下妃生摯則高辛又傳位於子高辛次妃  
慶帝生堯則摯又傳位與弟史記并舜典疏以舜爲  
黃帝八代孫則堯傳位與五世姪孫前漢律曆志載  
顓帝五世生鯀則舜傳位與六世祖之從兄弟如是  
則五帝亦可謂之家天下今遡五帝之上而觀之禮  
記注云女媧承伏羲而淮南子覽冥訓注古天子姓  
風則亦伏羲之子孫也禮記國語皆云炎帝少典之  
子而家語與史記云黃帝有熊國君少典之裔子國  
語又云黃帝炎帝之弟則二君同是少典之子以此  
而觀家天下之制其來遠矣 或曰夏之十七君皆  
姓姒商之三十君皆姓子周之三十七君皆姓姬非  
如五帝之異姓曰不然五帝之時世變不同人各自  
爲一姓故黃帝姓公孫而少昊黃帝子也改姓巳顓  
帝亦黃帝孫也乃姓姬堯寄於伊長孺家從母所居  
故姓伊耆舜生姚墟故姓姚稷契與堯同父兄弟也  
而稷姓姬契以簡狄吞玄鳥卵而生故姓子若以異



姓而論謂皇帝與少昊非父子而堯與稷契非同父  
之兄弟可乎 或曰家以傳子今五帝獨黃帝高辛  
傳位於子少昊顓帝皆與姪而摯則與弟蓋已非傳  
子矣堯傳之曾姪孫而舜又傳之同六世祖之從兄  
弟服紀尤爲差遠曰不然長子考監明旣以罪歿而  
放齊固嘗薦次子朱啓明矣堯未嘗不欲傳之子奈  
何朱之不肖不足以嗣位堯則擇同宗之姪孫而授  
之舜亦不敢遽然以爲君而猶避朱於南河舜亦未  
嘗不欲傳之子奈何商均之不肖不能以繼緒舜則

擇同宗之從兄弟而傳之禹亦不敢冒然以爲君猶  
避商均於陽城堯舜豈以異族而授之天下哉 且  
如商之外丙傳弟仲壬仲壬傳姪太甲太甲傳弟雍  
已祖辛傳弟沃甲沃甲傳姪祖丁祖丁傳堂弟南庚  
南庚傳堂弟陽甲祖庚傳弟祖甲廩辛傳弟庚丁而  
周懿王傳弟孝王康王傳弟定王則商周亦有傳弟  
姪者其後如漢惠帝傳弟文帝昭帝傳姪孫宣帝成  
帝傳姪哀帝哀帝傳從弟平帝東海殤帝傳堂兄安  
帝若冲帝傳質帝則同高祖之從兄弟質帝傳桓帝

則又同五世祖之從姪比之舜禹蓋無異也 且以祭法觀之周則祖文而宗武商則祖契而宗湯夏則祖顓帝而宗禹而舜則祖顓帝而宗堯若舜為異姓之國奚必宗堯哉蓋曰弟曰姪曰姪孫既皆吾之族屬而謂之非家天下不可也

過秦論誤

賈誼過秦論言始皇吞二周而亾諸侯按秦昭王五十一年滅西周其後七年莊襄王滅東周四年莊襄卒始皇方即位則吞二周乃始皇之曾祖與父非始皇也

先輩

唐世舉人呼已第者為先輩其自目則曰前進士按魏文帝黃初五年立太學初詣學者為門人滿歲試通一經補弟子滿二歲試通二經者補文學掌故不通經者聽須後試故後試稱先試而得第者為先輩由此也前進士云者亦放此猶曰早得進士而其輩行在先也此皆演繁露載通典語枋即容齋續筆載貽子錄云同年小錄是雙隻先輩各一人分寫宴上

長少分雙隻相向而坐以東爲上觀以西爲首給舍員外遺補多來突宴東先輩不遷而西先輩避位又紹聖間王聖塗澠水燕談云蘇德詳漢相禹珪之子建隆四年進士第一人登第初還鄉里太守置宴以慶之樂作伶人致語曰昔年隨侍嘗爲宰相郎君今日登科又是狀元先輩又司馬溫公勸學歌云一朝雲路果然登姓名亞等呼先輩詳味溫公之言則登雲路者方呼先輩如今黃甲並呼狀元一般先輩猶言前名也又葛常之丹陽集云小說載優人有以李

義山服藍縷之衣而出或問曰先輩之衣何在曰爲館中諸學士擗將去矣人以爲笑又王直方詩話云蕭貫嘗夢至宮庭中賦詩有一人曰先輩異日必貴又春渚紀聞載棋待詔劉仲甫聞祝不疑先輩名品高着人傳今炆來試南省若以二家所載觀之則以先輩爲稱呼決非前輩之比又韋莊浣花集有癸丑年下第獻新先輩詩又墨客揮犀言今人於榜下擇婿號曰鬻婿有一新先輩少年爲貴家所慕欲以女妻之又彭應來有賀新先輩二十八人及第詩結句

云回頭應念差池者重待陽和振羽毛言新先輩則  
為狀元為前名明矣若以為長上先生則安得加一  
新字又曰少年撫言載牛僧孺應舉時韓愈皇甫湜  
見之於青龍寺稱牛為卽先輩又田表聖錫咸平集  
與胡旦書云秀才卽先輩乃卽日可為先輩也其義  
甚明今人詩集中因見唐詩有先輩二字不深考其  
故皆誤作前輩近時有稱道士為先輩尤可笑也

千字文字重複

千字文有女慕清潔又有紈扇圓潔重兩潔字今宜  
改清潔為清貞庶不重複

孟子與孟嘗君同時

或問孟子與孟嘗君同時否曰同周顯王三十三年  
乙酉孟子見梁惠王王有利國之問慎覲王二年壬  
寅惠王薨孟子去魏適齊而齊宣王之立在顯王三十  
七年乙丑其卒在赧王元年丁未孟子是年去齊赧  
王乃慎覲王之子顯王之孫方顯王四十八年庚子  
齊薛公田嬰卒其子文嗣為薛公號曰孟嘗君能招  
致諸侯游士名重天下則田文之立在梁惠王未薨

之前而孟子適齊之時田文已立二年矣以戰國策考之馮諼西遊於梁說惠王聘孟嘗君齊王聞而謝之則與孟嘗君正同時也曰孟子既游於齊而孟嘗君之食客數千人有一亞聖之大才而不克置於賓客之列何也曰太史公謂孟嘗君招致天下任俠姦人入薛中則當時之客皆非賢士可知蓋孟嘗君非不欲招致孟子而孟子決不屑就也一魯仲連尚不爲平原君留則孟子安肯爲君之客哉其後孟嘗君廢而賓客一日皆背去此市井勢利之交毋足怪者君於此時不能自責其取士之乖謬而欲唾客之面愚矣

先子先君先人

今人稱先子先君先人爲父然不獨父也祖宗皆可如曾西稱曾參曰予先子之所畏也則稱祖爲先子子順曰吾先君之相魯也則稱六世祖爲先君孔安國曰先君孔子又曰我先人用藏其家書於屋壁則稱十一世祖爲先君稱五世祖子襄爲先人也

顏子非二十九歲歿

史記云顏子少孔子三十歲年二十九蚤歿則是魯  
哀公二年也按圍陳蔡時孔子年六十三而顏子當  
是時年三十三矣論語曰從我於陳蔡者皆不及門  
也德行顏淵則顏子尚無恙史記載圍陳蔡後使子  
貢至楚昭王將以書社地七百里封孔子令尹子西  
曰王之輔相有如顏回者乎由是觀之則顏子之未  
歿益信而有證非二十九歲明矣

畫野分州

黃帝時畫野分州八家爲井井一爲鄰鄰三爲朋朋  
三爲里里五爲邑邑十爲都都十爲師師十爲州一  
州是百五十三萬家

名不可稱

唐人多有稱人名者詩中惟甚今人學唐詩者多做  
倣之不知其不可枋記李習之答梁載言書云孟子  
曰天下之達尊三德爵年惡得有一以慢其二足  
下之書韋君詞楊君潛足下之德與二君未知先後  
也足下齒幼而位卑而皆名之傳曰吾見其與先生  
並行也觀習之之言則當時亦以稱前輩名爲非枋

謂古者君稱臣名、父兄稱子弟名、師稱子弟名、禮疏云名者職賤之稱、仲尼於弟子外不敢稱人名、曾子稱子夏之名、蓋因子夏稱無罪怒而責之也、嘗考桓公四年夏天王使伯糾來聘、注禮君於臣而不名者五、諸父兄不名、詩云王曰叔父是也、子大夫不名、祭伯是也、盛德之士不名、叔肸是也、老臣不名、宰渠伯糾是也、如桓二年及其大夫孔父、十七年蔡季自陳歸、莊三年紀季以鄆入于齊、閔元年季子來歸、僖十六年公子季友卒、公羊曰何以不名賢也、閔二年齊與子來盟、公羊曰何以不名喜之也、又白虎通曰、王者臣有不名者五、先王老臣不名、與先王戮力共治者尊而不名、尚書曰咨爾伯、不言名也、不名者貴賢者而已、故呂望、郭子儀俱稱尚父、管夷吾稱仲父、裴寂稱裴監、魏晉以來多有贊拜不名者、以人主之待臣子猶爾、況常人乎、

小人小生

小人二字見於左傳、若小生則漢書朱雲傳、小生欲相吏耶、張禹傳、新學小生皆是責人之語、若自稱小

生則始於唐韓退之與孟東野寄孟幾道聯句云小  
生何足道又酬司馬盧四兄雲夫院長望秋作云嗟  
我小生值強伴又呂和叔渭海昏集序云不遠數千  
里授簡小生

狀元詞誤

今人唱五百名中第一仙鷓鴣天詞第二句便云花  
如羅綺柳如綿最無意義當是錯誤分曉其詞以第  
二句與第十句對換過義理方通合云五百人中第  
一仙等閑平步上青天綠袍乍着君恩重黃榜初開  
御墨鮮龍作馬玉為鞭花如羅綺柳如綿時人莫訝  
登科早自是嫦娥愛少年

宣齋野乘終



...

登林早自是...

芥隱筆記序

士非博學之難能。審思明辨之為難。古人固有耽玩典籍。涉獵書記。窮年皓首。貪多務得者矣。然履常蹈故。誦書綴文。趣了目前。不求甚解。疑誤相傳。莫通倫類。漫無所考按也。檢討龔公以學問文章知名當世。諸公要人爭欲令出其門下。自六藝百家諸史之籍。無所不讀。河圖洛書。山鏡冢刻。方言地志。浮屠老子。騷人墨客之類。無所不記。至於討論典故。訂正事實。辨明音訓。評論文體。雖片言隻字。必欲推原是正。

俾學者知所依據。此其閒居暇日有得於一時之誦  
覽者。隨而錄之。號曰筆記。若夫他日當大典冊。渙大  
號令。則武夫感泣。癯老扶觀。當埒燕許。輩秉太史筆。  
褒貶是非。勸善懲惡。凜然有遺直之風。回視筆記。特  
翰墨之遊戲耳。嘉泰改元。監冬。旣望汶人劉董敬用。  
鉸木于東寧。郝庠庶侈其傳。

芥隱筆記

宋 檢討龔公著 張遂辰閱

八十一萬歲

李太白詩云。拜龍顏。獻聖壽。北斗戾南山。摧天子。九  
九八十一萬歲。歲歲長傾萬壽杯。余嘗爲聖節詩。用  
八十一萬歲事。或問有所據否。因舉此。且云。道藏雲  
笈七籤。二帙混元聖紀云。混元一始萬劫。至于百成。  
百成亦八十一萬年。而有太初。太初之時。老君從虛  
空而下。爲太初之師。又自太上生後。復八十一萬億

八十一萬歲乃生一炁

禍雙

荆公金陵懷古詩逸樂安知與禍雙雙字最佳史龜  
筴傳禍與福同刑與德雙聖人察之以知吉

擲火萬里流鈴八衝 四目

杜牧之詩老翁四百牙爪利擲火萬里精神高蓋用  
天蓬呪蒼舌綠齒四目老翁而今本誤以目為百爾  
擲火萬里亦用度人經擲火萬里流鈴八衝之語而  
東坡亦用之於芙蓉城詩云仙風鏘然韻流鈴也

東坡宸奎閣碑銘

東坡宸奎閣碑銘巍巍仁皇體合自然神曜得道非  
有師傳蓋出八師經吾今自然神曜得道非有師也

蜂蠆

又蜂蠆發於懷袖出晉書鄒湛對晉文帝曰猛虎在  
山荷戈而出凡人能之蜂蠆發於懷袖勇夫為之驚

駭出於意外也

蜂蠆二字東坡屢用之

殺之三宥之三

東坡試刑賞忠厚之至論其間有云臯陶曰殺之三

堯曰宥之三梅聖俞以問蘇出何書答曰想當然耳  
此語蘇蓋宗曹孟德問孔北海武王伐紂以妲已賜  
周公出何典答曰以今準古想當然耳一時粹應亦  
有據依

退之用字

退之孔<sup>音</sup>殘誌銘云孔世三十八吾見其孫白而長  
身據說文<sup>音</sup>卅而集反二十并也<sup>音</sup>速達反三十并也  
卅先立反四十并也退之自謂識字故用之爲四字  
銘今刊正書者改作三十八非是  
案玉篇卅字如拾  
切二十并也卅字

先闔切三十也卅先入切四十也廣韻  
二十七合卅字音殿二十入盍又收

騰驤字

老杜瘦馬行此豈有意仍騰驤蓋用史記騶衍此豈  
有意阿世苟合而已哉意最爲奇

黃石白猿

杜牧之詩授圖黃石老學劔白猿翁蓋出庾信字文  
盛墓誌云授圖黃石不無師表之心學劔白猿遂得  
風雲之志

折綿冰酒

山谷詩霜威能折綿風力欲冰酒蓋用阮籍詩陽和  
微弱陰氣竭海凍不流綿絮折呼吸不通寒冽冽庾  
肩吾詩勁氣方凝海清威正折綿張說塞上綿應折  
江南草可結語也

退之詩

歡華不滿眼咎責塞兩儀蓋用前漢叙傳福不盈眚  
禍溢於世

東坡泗州塔詩

耕田欲雨刈欲晴去得順風來者怨蓋用劉夢得同  
施于陸其時在澤伊種之喜乃稔之厄同舟于江其  
時在風沿者之吉泝者之凶

杜子美詩

東坡謂老杜竊比稷與卨蓋求之於其詩舜舉十六  
相身尊道何高秦時用商鞅法令如牛毛意特有所  
指余以爲見此老容民畜衆之度莫若水深魚極樂  
林茂鳥知歸又林茂鳥攸歸水深魚知聚重言之此  
其意有在

滕王閣記

芥隱筆記

王勃滕王閣記落霞與孤鶩齊飛秋水共長天一色  
蓋宗慶子山華林馬射賦落花與芝蓋齊飛楊柳共  
春旗一色

退之用丞輔字

田氏先廟碑銘訖其外庸可作丞輔乃用呂氏春秋  
晉文公出已反國介子推不肯受賞爲賦詩曰有龍  
于飛周徧天下五蛇從之爲之丞輔龍返其鄉得其  
處所四蛇從之得其露雨一蛇羞之槁死中野而刊  
正者以丞爲承其未知此歟

陳琳書

魏陳琳與曹洪書云縈帶爲垣高不可登折箬爲械  
堅不可入蓋宗畫地爲獄議不入刻木爲吏期不對

山谷用巴西字

山谷詩啜羹不如放麋樂羊終媿巴西按說苑樂羊  
爲魏將以攻中山其子在中山中山懸其子示樂羊  
樂羊不爲奪志攻之愈急中山因烹子而遺之樂羊  
食之盡一杯中山見其誠也不忍與其戰果下之遂  
爲魏文侯開地文侯賞其功而疑其心孟孫獵得麋

使秦西巴持歸其母隨而鳴秦西巴不忍縱而與之  
孟孫怒而逐秦西巴居一年召以為太子傅左右曰  
夫秦西巴有罪於君今以為太子傅何也孟孫曰夫  
以一麀而不忍又將能忍吾子乎山谷謂巴西可乎

退之越裳操辨田字

越裳操孰荒于門孰治于田四海既均越裳是臣詩  
定之方中靈雨既零命彼倌人星言夙駕說音于桑  
田頌師古急就章注古者田陳聲相近漢童謠邪徑  
賊良田讒口害善人桂樹華不實黃雀巢其顛易林

噬嗑之未濟曰邪徑賊田政惡傷民節之井曰宣髮

龍身為王主田

閔已賦辨寬字

退之閔已賦獨閔閔其曷已兮憑文章以自宣昔顏  
氏之庶幾兮在隱約而平寬固哲人之細事兮夫子  
乃嗟歎其賢詩考槃考槃在澗碩人之寬獨寐寤言  
永矢弗諼寬音區權切裕也寬也諼光元切

淮西碑辨謀字

帝為不聞與神為謀易林比之家人曰懿公淺愚不

深受謀夫之乾曰狼戾靡謀無言不殊節之比曰張  
陳嘉謀贊成復都又淮蔡爲亂天子伐之詩死生契  
闊與子成說挽子之手與子偕老于嗟闊兮不我活  
兮太玄斷首欲決不決爾仇不闕乃後有鉞成公綏  
天地賦斷鼈足而續毀鍊五色而補缺豈斯事之有  
微將言者之虛設何陰陽之難測偉二儀之參闕

辨古人用牙字

叱胡切

毛穎傳今日之獲不角不牙衣褐之徒詩祈父子王  
之爪牙胡轉予于恤靡所止居易林訟之鼎曰虎聚

磨牙以待狔豬太玄首夷其牙或飫之徒豨毅其牙  
發以張弧急就章款冬貝母薑狼牙亭歷桔梗龜骨  
枯楊雄豫州箴陪臣執命不慮不圖王室陵遲喪其

爪牙牙

叱胡切  
齒也

古人用山字

所彌切

退之謝自然詩童駮無所識但聞有神仙輕生學其  
術乃在金泉山詩斯于秩秩斯于幽幽南山古詩藁  
枯今何在山上復有山何當大刀頭被鏡飛上天楚  
詞招魂高堂邃宇檻層軒層臺累榭臨高山網戶珠



綴刻方連楊雄解嘲蘭先生收功於章臺四皓采榮  
於南山公孫創業於金馬驃騎發迹於祁連史記龜  
筮傳河雖神賢不如崑崙之山漢書衛霍叙傳飲馬  
翰海封狼居山西規太河列郡祁連山所旃切說文  
山宜也祈連山名謂置郡至此

辨口字

孔五切

元和聖德詩疆外之險莫過蜀上韋臯去鎮劉闢守  
後血人于牙不肯吐口詩正月不自我先不自我後  
好言自口莠言自口憂心愈愈是以有侮正考父昭七

年鼎銘一命而僂再命而偃三命而俯循牆而走亦  
莫余敢侮饋於是鬻於是以餬余口漢溝洫志白渠  
之歌田於何所池陽谷口鄭國在前白渠起後舉甬  
為雲決渠為雨涇水一石其泥數斗日漑月糞長我  
禾黍衣食京師億萬之口上林賦出乎椒丘之闕行  
乎州淤之浦徑乎桂林之中過乎泱莽之壑汨乎混  
流順阿而下赴隘陜之口西京賦鄙生生乎三百之  
外傳聞於未聞之口曾髣髴其若夢未一隅之能覩

辨厚字

狠口切

又孩養無告仁滂施厚皇帝神聖通達先古詩巧言  
蛇蛇碩言出自口矣巧言如簧顏之厚矣易林頤之  
節曰文王四乳仁愛篤厚枚叔七發貴人之子必宮  
居而閨處飲食則溫淳甘臙音昌臙音昌臙音昌肥厚

辨畝字音德補切

各安厥位訓厥昨晦周禮畝字正月元日初見宗祖詩南

山蕝麻如之何衡從其畝取妻如之何必告父母易

林歸妹之坤曰喘牛傷暑弗能成畝班固西都賦士

食舊德之名氏農服先疇之吠畝商修族世之所鬻

工用高曾之規矩

辨垢厚字

帝車回來日正當午御丹鳳門大赦天下滌濯剗磳

初雨坊磨滅瑕垢續功臣嗣拔賢任耆孩養無告仁滂

施厚皇帝神聖通達先古下與厚皆下五切垢與耆皆果羽切

詩南山有臺南山有枸俱甫切有棟勇主切耆為果羽切棟

駟慰志賦闢四門以博延兮彼幽牧之我舉分畫定

而計決兮豈云賁乎鄙耆陸機愍懷太子文當究遐

德登茲黃耆緝熙有晉克壯常宇

辨寫字音

賞羽切

未乃取闕駭汗如寫揮刀紛紜爭切膾脯詩蓼蕭零  
露漑兮我心寫兮是以有譽處兮寫賞羽切諺云書三  
寫魚成魯帝成虎

辨閒字音

居賢切

退之詩孟東野失子詩彼於女何有乃令蕃且延此  
獨何罪辜生死旬日間詩還十畝之間兮桑者閑閑  
兮行與子還兮漢李廣傳自以大黃射其禪將服注  
曰黃肩弩也晉灼曰黃肩即黃間也上林賦赤瑕駸

犖雜重其間鼠采琬琰和氏出焉班固西都賦裏以

繅繡絡以編連

一作綸

隨侯明月錯落其間曹植瑟瑟歌

東西經七陌南北越九阡卒遇回風起吹我入雲間

辨渴字音

巨列切

送文暢師下關迷惑曾序

音豁呼括切

斲株糜

音屈僧時

不聽瑩若飲水救渴列子黃帝之所聽瑩也詩君子  
于役日之夕矣牛羊下括君子于役苟無飢渴易林  
豫之賁曰泉閉澤竭黃庭經時念太倉不飢渴役使

六丁神女講渴

巨列切括古活切

辨乖字音 公回切

猛虎行自矜無當對氣性縱以乖朝怒殺其子暮還  
食其妃六月蓼蕭廢則恩澤乖矣湛露廢則萬國離  
矣漢蘇武詩胡馬失其羣思心常依依何況雙飛龍  
羽翼臨當乖漢律曆叙傳官失學微六家分乖一彼  
一此庶研其幾崔駰達旨淳朴散離人物錯乖高辛  
攸降厥趣各違王逸九思紛載矩矱高馳將咨詢矜  
皇義道何臯方周流路變易矜時乖 乖澄切

辨稼字音 古護切

送李愿歸盤谷序盤之中維子之宮盤之土維子之  
稼詩七月九月築場圃十月納禾稼易林豐之未濟  
曰沾洽時澍生我禾稼小過之大畜曰雨溢過度傷

害禾稼圃 音溥故 稼 古護切

辨角字音 盧谷切

贈唐衢虎有爪矜牛有角虎可搏矜牛可觸詩麟之  
趾麟之角振振公族漢律曆志角觸也物觸地而出  
戴芒角也又曰角 於斛切 東方朔傳曰臣以為龍又無  
角謂之為蛇又有足仲長統騰蛇弃鱗神龍喪角至

人能變達士拔俗郭璞共工贊共工赫怒不用是觸地虧巽維天缺乾角角盧谷切見資暇集

辨蛇字音

唐河切

東方朔詩方朔聞不喜褫身絡蛟蛇瞻相北斗柄兩手自相授詩羔羊素絲五蛇委蛇委蛇易林曰長尾委蛇畫地成河楊雄反離騷既亡鸞車之幽藹兮駕八龍之委蛇臨江瀕而掩涕兮何有九招與九歌張衡西京賦感河馮懷湘娥驚蜩蝻皆水神憚蛟蛇郭璞流沙贊經帶西極頽塘委蛇注于里水永溺餘波

辨降字音

平政切

劉統軍碑琳後來降公不有功詩草蟲憂心忡忡我心則降孟子曰洚水者洪水也楚辭四用降歆徐邈

皆平汝切

楊雄河東賦雲囊囊而來迎兮澤滲瀰而下降鬱蕭條其幽藹兮滃烏孔切汎沛以豐隆馬融笛賦無

相奪倫以宣八風律呂既和哀聲五降阮籍寄懷詩陽精蔽不見陰光代為雄亭亭在須臾厭厭將復降辨售字音

送劉師服詩齋財入市賣貴者常難售豈不久憔悴

為功忌中休詩谷風賈用不售樂府壠頭水歌將頓  
樓蘭鄰就解月支表勿令如李牧功多信不售時周切  
賣物出乎也

正餐字音須倫切餐音素餐平安切

祭嫂鄭夫人艾念寒而衣念飢而餐音疾疹水火無  
災及身詩伐檀彼君子兮不素餐兮宋玉九辨竊慕  
詩人之遺風願託乎素餐蹇充拙而無端兮汨莽莽  
而無垠易林謙之坎曰懸鶉素餐餐非其任失亡遠  
民實勞我心餐舖也

哀字音於希切

祭周氏姪女文今當長歸與一世違凡汝親戚孰能  
不哀詩采薇我心傷悲莫知我哀說文從口衣聲  
推哀哀懷報德也裴瑜音衣國語各娶其所有以待  
所歸兮猗兮違兮心之哀兮宋玉九辨覲杪秋之遷  
夜兮心僚悵而有哀春秋連連而日高兮然惆悵而  
自悲劉向九歎欲遷志而改操兮心怫結而未離外  
仿徨而遊覽兮內惻隱以含哀張衡南都賦布綠葉  
之萋萋敷華藻之蓑蓑玄雲合而重陰谷風起而增

朴隱筆記

七

哀

壹似字

退之聖德詩壹似堯禹壹似蓋用禮記夫子之言

檀弓

孔子過泰山側有婦人哭於墓者而哀夫子使子路問之曰子之哭也壹似重有憂者

用泐字

荆公常夷甫誌文石可泐也用考工記石有時以泐鄭司農注讀為再扞而後掛之扞謂石解散也

荆公押而字

荆公在歐公坐分韻送裴如晦知吳江以黯然消魂

唯別而已分韻晦嘗與公八人荆公子美聖俞平甫

老蘇姚子張焦伯強也時老蘇得而字押談詩究乎

而荆公乃又作而字二詩采鯨抗波濤風作鱗之而

蓋用周禮考工記旄人深其爪出其目作其鱗之而

注之而類頷也又云春風垂虹亭一杯湖上持傲兀何賓客

兩忘我與而最為工君子不欲多上人王蘇之憾未

必不稔於此也

正老杜自平詩

杜詩自平宮中呂太一按唐史有兩呂宦官呂太一

杜隱年言  
為廣南市舶使反故下云收兵南海千餘日復何疑  
而說詩者紛紛不可曉至謂唐有自平宮開元中中  
書舍人呂太一與張嘉正號四優者又呂寧為太一  
宮使尤謬

作詩下字來歷

史記秦虎狼之國也唐史太宗龍鳳之姿而子美昭  
陵詩云識歸龍鳳質威定虎狼都各易一字最為妙  
處洪氏辨證謂急急能鳴鴈輕輕不下鷗能鳴用莊  
子不下用列子語於此見其用出處下字之法

杜詩古今本不同

王仲言自宣城歸得杜甫詩三帙有南唐澄心堂紙  
有建鄴文房印沈思遠印及勅賜印筆法精妙殆能  
書者試考一二詩多與今本不同如憶李白詩白也  
詩無數飄然意不羣清新庾開府豪邁鮑參軍渭北  
春天樹江東日暮雲何時一樽酒重與話斯文九日  
詩乃云今朝醉裏為君歡笑倩傍人為正冠又再把  
茱萸子細看又芹泥隨燕菊藥粉上蜂鬚宮草霏霏  
隨委佩雲近蓬萊常五色酒醒思汗筆已近苦寒夜



長貧怪婦愁雨映行宮辱贈詩騎馬誰家白面郎不  
通姓字麤疎甚忍待江山麗之類不可槩舉也

荆公用麥氣字

荆公晴日晚風生麥氣麥氣蓋用何遜新林分別詩  
麥氣始清和

老杜秦城字

三輔黃圖長安故城城南爲南斗形城北爲北斗形  
故號斗城何遜咸陽詩云城斗疑連漢老杜秦城近  
斗杓秦城北斗邊北斗故臨秦而秦中詩春城依北  
斗郢樹發南枝乃秦城耳劉夢得望賦亦云城依斗  
今蘭干春亦無義亦不可對郢樹也

樂天詩

醉翁迂叟東坡之名皆出於白樂天詩云

荆公用歸字

荆公詩綠攬寒蕪出紅爭暖樹歸妙甚歸字蓋用老  
杜紅入桃花嫩青歸柳葉新李白寒雪梅中盡青風  
柳上歸意

老杜用受字進字逗字

芥隱筆記  
老杜受字進字逗字最用工夫。吹面受和風。修竹不受暑。飛燕受風斜。野航恰受兩三人。樹濕風涼進山谷。進風涼。殘生逗江漢。遠逗錦江波。陰鏗詩有行舟逗遠樹。

作詩祖述有自

謝靈運有雲中辨煙樹。天際識歸舟。王僧孺有岸際樹難辨雲中鳥。易識梁元帝有遠村雲裏出。遙船天際歸。陰鏗詩有天際晚帆孤。天邊看遠樹。大江靜猶浪。老杜所以有江流靜猶湧。雲中辨煙樹。鑑詩有薄雲巖際出。初月波中上。杜詩薄雲巖際宿。孤月浪中翻。鏗有中川聞棹謳。杜有中流聞棹謳。鏗有花逐下山風。杜有雲逐度溪風。祖述有自。青出於藍也。

作詩得意句

陳去非嘗語先君云。吾平生得意十字云。開門知有雨。老樹半身濕。先君故劾之作感興詩云。夜半微雨濕凌晨。春草長。謂願正云。吾十字似有味。後讀河嶽英靈集。閻訪詩。荒庭人何許。老樹半空腹。殷璠謂皎然可佳。殆亦有所祖云。

唐朝酒價

丁晉公對真廟唐酒價以三百亦出於一時耳若李  
由金樽清酒斗十千白樂天共把十千酤一斗又軟  
美仇家酒十千方得斗又十千一斗猶除飲何況官  
供不著錢又崔輔國與酤一斗酒恰用十千錢

八十為八秩

禮年八十日有秩故以八十為八秩又道家流用此  
語白樂天屢用之自注行開第八秩可謂盡天年時俗  
謂七十以上又云已開第七秩屈指幾多人  
為開第八秩

蒲桃瓜聲琵琶瓜聲調笑瓜聲司馬瓜聲

樂天詩羌管吹楊柳燕姬酌蒲桃蒲桃太原酒名銀含鑿落

盞金屑琵琶槽秦再思記異錄温州朱史君有一妓

善胡琴忽亡念之追悼詩云魂飛寥今上鬼歸煙只

住人間十八年昨日施僧裙帶上斷腸猶繫琵琶絃

琵琶字亦從瓜聲晉書阮咸傳唐元行沖傳琵琶字並

打嫌調笑易飲訝卷波遲調笑拋拍曲名燭淚連盤

壘蒲桃又對東溪野枇杷上林賦枇杷蒲桃皆無音

四十著緋軍司馬男兒官職未蹉跎一為州司馬三

見歲重陽武元衡亦有唯有白鬚張司馬不言名利尚相從

樂天用淵明詩

淵明詩弱女雖非男慰情良勝無故樂天云衰病四十身嬌癡三歲女非男猶勝無慰情時一撫

東坡德星句

東坡詩斯人乃德星遣出虛危間用樂天德星降人福時雨助歲功福似歲星移望如時雨至意

東坡用樂天詩格

樂天詩去歲暮春上巳共泛洛水中流今歲暮春上

巳獨立香山下頭東坡用之為海外上元詩

東坡惠州上元

夜詩前年侍玉輦端門萬枝燈云云今年江海上雲房寄山僧

樂天與子美詩一意

老杜安得廣厦千萬間大庇天下寒士俱歡顏嗚呼何時眼前突兀見此屋吾廬獨破受凍死亦足樂天百姓多寒誰可裒一身雖煖亦何情安得大裘長萬丈一時都蓋洛陽城

李商隱詩

商隱有點窳堯典舜典字塗改清廟生民詩樂大有  
毛詩三百篇後得文選六十卷中無

詩中用愛閑字

多病愛閑始見南史王儉傳樂天有經忙始愛閑劉  
夢得有功成却愛閑杜牧之有愛閑能有幾人來

老杜樂天詩語

詩中用而今匹如些些耳冷妬他欺我生以勿畱羸  
垂溫暾皆樂天語相仄欺有底也自也知差底斬新  
遮莫皆老杜詩

太史公司馬相如贊

太史公作司馬相如贊曰春秋推見至隱易本隱之  
以顯大雅言王公大人德逮黎庶小雅譏小已之得  
失其流及上所以言雖外殊其合德一也而自序曰  
易著天地陰陽四時五行故長於變禮經紀人倫故  
長於行書記先王之事故長於政詩記山川谿谷禽  
獸草木牝牡雌雄故長於風樂樂所以立故長於和  
春秋辨是非故長於論人

魚千里

山谷用魚千里事蓋出關尹子以盆為沼以石為塢  
魚環游之不知其幾千萬里也山谷屢用魚千里字  
尋師訪道魚千里蓋  
世功名忝二炊又小池已築魚千里隙地仍栽  
芋百區又爭名朝市魚千里觀道詩書豹一班

北征詩

北征詩皇帝二載秋閏八月初吉盧仝月蝕詩元和  
庚寅斗柄插子律調黃鍾白樂天賀雨詩皇帝嗣寶  
曆元和三年冬又苦寒詩八年十二月五日雪紛紛  
韓詩元和庚寅斗插子

柳耆卿詞語

陰鏗有夜雨滴空堦柳耆卿用之人但知為柳詞

樂天長恨歌

樂天有玉容寂寞淚蘭干梨花一枝春帶雨不知又  
有薔薇詩露垂紅萼淚蘭干

牧之助勦字

牧之詩塵土驚助勦樂天委命不助勦

詩用闕在字

詩中用闕在蓋出樂天詩世上爭先從盡上汝人間

闕在不如吾樂天用格是字

轉席

今新婦轉席唐人巴爾樂天春深娶婦家詩云青衣

轉去聲氍褥錦繡一條斜

蘇小小

樂天詩揚州蘇小小人道是天斜

音伊邪反

鄭重字

前漢王莽傳皇天所以鄭重降符命之意師古言頻煩也又三國志夷狄國家哀汝故鄭重賜汝好物樂夫謝度順之送紫霞綺云千里故人心鄭重一端香

綺紫氈氈又交情鄭重金相似

季布毀譽

史記季布言陛下以一人譽召臣以一人毀去臣乃祖韓非子魯丹曰夫以一言善我必以一言罪我

落吾手

老杜不意青草湖扁舟落吾手樂天天與愛水人終焉落吾手

杜詩用前人意

老杜寒日出霧遲清江轉山急亦用陰鏗野日燒中

昏山路入江窮意

席壽

唐書百官志席壽謂器用經久謂之壽考工記犀甲

壽百年起於此

唐志帷布則題歲月席壽三年檀壽五年禡壽七年考工記犀甲壽百年

兕甲壽二百年合甲壽三百年

裝潢兩字

裝潢

音黃又音晃

染黃紙修治之名本齊民要術

按唐百官

志校書郎掌校理典籍注云有學生三十八人令史二人楷書十二人熟紙裝潢匠八人

鉗勒

唐后妃傳舉能鉗勒鉗字蓋本漢梁真妻性鉗忌

鉗

也言性忌害如鉗之鉗物也女輒反

善禁架

即禁術也如費長房之術唐書后妃列傳上第二

善禁架用後漢徐登傳語

徐登傳云但行禁架所療皆除

唾手

高祖隱太子建成傳云云利兵塵之唾手可決用九

州春秋唾掌語

盜亦有道

唐王竇傳贊盜亦有道用莊子記盜跖之言



左方

左方謂簡冊之左唐書亦有此語

桑蔭不徙

唐書屈突通尉遲敬德等傳贊桑蔭不徙而大功立

劉子云堯之知舜不違桑蔭

劉子知人篇堯之知舜不違桑蔭文王之知呂

堯不以永昌

諸史語

二李傳賢長城用漢賢於兵十萬騎五千之文

房杜傳忠於所事用魏志注

登殺用唐律即時為

登即時殺之也

律登時殺傷者勿論

曲折出李廣傳

報天子失軍曲折猶委曲也

楊國忠傳以計勝色者昌荀悅之語

餌藥

唐傳張臯疏人無故不應餌藥出千金方序論云病

患已成須勤藥餌故立補養之方平人無事不宜著

手

經史雜語

回鶻傳不一而足用公羊傳

文九年又襄二十九年

許夷狄者

不一而足也

蘭亭敘云後之視今亦猶今之視昔用京房傳語房曰臣恐後之視今猶今之視前也

唐儒學傳禪其家用東漢敘贊世禪雕籠語

極師用左氏扞極事文藝傳義形於色用左氏孔文子語

唐書乾沒于沒乾匿皆同義

賈捐之語

後漢南匈奴傳語曰父戰於前子死於後弱女乘於亭障孤兒號於道路老母寡妻設虛祭飲泣淚想望

歸魂於沙漠之表全用西漢賈捐之語

鷲鳥累百不如一鶚

史記趙簡子曰鷲鳥累百不如一鶚鄒陽上書亦用之孔文舉薦禰衡表又用此語孫權曰云云令蒙討賊誅其首惡

曹植用墨子語

墨子雖有賢君不愛無功之臣雖有慈父不愛無益之子故曹植自試表云故慈父不能愛無益之子仁君不能畜無用之臣

羊祜宗管子語

羊祜讓開府表云德未爲人所服而受高爵則使才臣不進功未爲人所歸而荷厚祿則使勞臣不勸用管子德業未明於朝而處尊位者則良臣不進有功未見於國而有重祿者則勞臣不勸

倒行逆施

史記伍子胥傳吾日暮途遠吾故倒行而逆施之主父偃曰吾日暮故倒行逆施之

歐陽建

文選歐陽堅石臨終詩天網布宏綱投足不獲安劉夢得所以有天網雖寬投足誰厝

淵明詩

王仲宣悟彼泉下人喟然傷心肝淵明所以有感彼栢下人安得不爲歡

子美詩有祖述

杜審言縮霧青條弱牽風紫蔓長又云寄語洛城風月主明年春色倍還人子美有林花著雨燕脂潤水荇牽風翠帶長又傳語風光共流轉斲時相賞莫相

齊隱筆記  
違皆祖述其意

古人作文皆有依倣

司馬長卿大人賦全用屈平遠遊中語 退之送窮

文學逐貧賦 老杜杜鵑詩模寫鮑照 荆公作虎

圖行全倣老杜 老杜用元自見來東坡所以用之

意匠

意匠慘澹經營中用陸機文賦意司契而為匠 本杜

引詔謂將軍拂絹素  
意匠慘澹經營中

老杜倣淮南子語

淮南子水清則魚聚木茂而鳥樂所以老杜有林

鳥攸歸水深魚知聚

古人用字

王維詩九天閶闔開宮殿萬國衣冠拜冕旒 雜詩老杜

閶闔開黃道衣冠拜紫宸 淵明日月不肯遲 雜詩晨

雞不肯鳴 飲酒詩 老杜有秋天不肯明江平不肯流兵

戈不肯休王室不肯微

太湖

上林賦東注太湖郭璞注曰太湖在吳縣尚書所謂

芥隱筆記

五

震澤也

窳窳 封豨 鑿齒

淮南子應劭注堯之時窳音窳窳音窳封豨鑿齒皆為人

害鑿齒齒長五尺似鑿故長楊賦秦封豨其上窳窳其民鑿齒之徒相與摩牙而爭之

徐凝用界字

天台山賦瀑布飛流而界道所以徐凝有界破青山色孰謂其惡而無所自耶賦云赤城霞起以建標云云

崔駰宗楊雄

崔駰達旨譬猶衡陽之林岱陰之麓伐尋抱不為一稀執棋把不為之數蓋宗楊雄解嘲譬江湖之崖勃解之島乘鴈集不為之多雙鳧飛不為之少

社日停針線

周美成社日停針線蓋用張文昌吳楚詞今朝社日停針線有自來矣

真贗字

退之與崔十六詩前計頓乖張居然見真贗贗字字書云偽物也蓋出韓非子齊伐魯索饒鼎魯以其贗

往齊曰鴈魯曰真也古止用鴈字宋景文有真鴈不同物治亂不同目又贗賈亂屢窳農亂田東坡亦用之茯苓詩山谷亦用之

抑鮓

宋景文詩蟹美持螯日魚香抑鮓天用楊淵五湖賦連鮓抑鮓

雨絕

太白詩雨絕無還雲用三國志吳虞翻傳罪弃雨絕陳孔璋檄又曰雨絕於天

東坡用韓非子語

韓非子國平則養儒俠難至則用介士所養非所用所用非所養東坡六國論用此語

鄂鄂

史記趙世家趙簡子有臣曰周舍好直諫舍死簡子每聽朝不悅大夫詩臯簡子曰大夫無臯吾聞千羊之皮不如一狐之腋諸大夫朝徒聞唯唯不聞周舍之鄂鄂是以亡也又商君傳商君曰我治秦孰與五殺大夫賢趙良曰千羊之皮不如一狐之腋千人之

齊隱筆言 一  
諾諾不如一士之鄂鄂必出於此

左氏與史遷

左氏晉重耳謂季隗曰待我二十五年不來而後嫁  
對曰我二十五矣又如是而嫁則將就木焉史記晉  
世家重耳謂其妻曰待我二十五年不來乃嫁其妻  
笑曰犁二十五年吾冢上柏大矣雖然妾待子

不賞天啓之矣

左氏開元年畢萬以是始賞天啓之矣史記晉世家以  
是始賞天開之矣

不當如此

史記張釋之傳云吏不當如此耶薛廣德傳云曉人  
不當如是耶魏志傳曰事不當爾耶皆有味也

豚犢

曹子丹佳人生汝兄弟犢耳魏書劉景升兒子若豚

犬耳孫權傳生子當如李亞子吾兒豚犬耳五代史

首鼠

史記灌夫傳與長孺共一老秃翁何爲首鼠兩端後  
漢鄧訓傳首施兩端注猶首鼠也西羌傳亦云首施兩端

本意筆已

破碎大道

前漢夏侯勝傳章句小儒破碎大道後漢楊終傳章

句之徒破壞大體

下云宜如石渠故事求為後世則

綠沉綠檀

老杜有苔卧綠沉槍南史有綠沉屏風杜牧之有腔

壓綠檀槍檀與沉宜相近

反水不收

光武紀反水不收何進傳覆水不收太白詩雨落不

上天水覆難再收

千石魚

前漢貨殖傳水居千石魚波

波讀為波

言養魚一歲收千

石唐皮日休釣侶詩一斗霜鱗換濁醪注云吳中賣

魚論斗酒乃論斤

巴寡婦清傳水居千石魚陂山居千章之菽菽即菽樹也

王岐公宗樂天詩

王岐公元豐中餞文潞公歸洛詩有精神如破貝州

時蓋用樂天上裴晉公詩聞說風情筋力健只如初

破蔡州時語

矢來無鄉



山谷作蘇李枯木道士賦有懼夫子之獨立矢來無鄉出韓非子矢來有鄉鄉方也有來從之方則積鐵以備一鄉謂聚鐵一身以備一處則甲之不全者矢來無鄉則鐵室以盡備之謂甲之全者自首至足無不有鐵故曰鐵室備之則體不傷破

富貴他人合

富貴他人合貧賤親戚離文選曹顏遠詩又見晉書殷浩傳蓋用慎子家富則疎族聚家貧則兄弟離語

森如束

文選張景陽雜詩叢林森如束唐元稹連昌宮中滿

宮竹歲久無人森似束蓋用此東坡過李公擇故居詩四鄰戒莫犯十畝

束 森似

來茲

文選古詩何能待來茲用呂氏春秋今茲美禾來茲美麥注茲年也

思君令人老

文選古詩有思君令人老曹子建有沉憂令人老其本出唯憂用老耳文選古詩思君令人老歲月忽已晚

東坡西江月

有惠州作時侍兒朝雲  
新亡其寓意為朝雲作

東坡梅詞不與梨花同夢蓋用王建夢中梨花雲詩

王昌齡梅花詩落落實實路不  
分夢中喚作梨花雲坡用此語

東坡真蹟

東坡四時詞冬詞云真態生香誰盡得玉奴纖手嗅  
梅花真蹟乃云王如墨莊謂意方全子兄孫昌符家  
坡朱陳詞真蹟云半依古柳賣黃瓜今印本多作牛  
依或遷就為牛衣矣

往古來今

慕容雋傳  
內李產傳

鴟冠子栳枋一術奚足以游往古來今事郭為郵晉  
載記慕容雋曰不可復以西夕之年取笑來今

笑啼俱不敢

玉臺新詠詠樂昌云笑啼俱不敢李商隱亦云又云  
啼笑兩難分

飢鷹待一呼

老杜有飢鷹待一呼白樂天呼鷹正反飢温庭筠飢  
鷹不待呼吳融飢鷹只待呼

金斗熨波

白樂天金斗熨波刀剪紋陸龜蒙波平熨不如又天  
如重熨皺溫庭筠綠波如熨豁愁腸王君玉金斗熨  
沉香又金斗熨秋江

劉夢得東坡用字法

劉夢得稱韓文云鸞鳳一鳴蜩蟬革音東坡有振鬣  
長鳴萬馬皆瘖

五柞三楊柞音作

荆公次韻酬龔深甫詩云北尋五柞固未慙東挽三  
楊仍有穆輿地志鍾山本少林木宋時使諸州刺史

罷職還者栽松三千株下至郡守各有差焉山之最  
高峰有五願樹樹柞木也元嘉中百姓祈禱率有驗  
又李太白白下亭詩驛亭三樹楊正當白下門王詩  
三楊白下亭

荆公用事

河南志盧元明侯山記曰漢有王玄者隱於此山景  
帝再徵不屈就其山封侯因以為名唐宋之間侯山  
詩云王玄拜隱侯荆公草堂懷古周顒宅作阿蘭若  
婁約身歸宰堵波他日隱侯身亦老為尋陳迹到煙

蘿世多謂沈約耳不知乃用此王氏事

理絲竹筦弦

漢張禹傳後堂理絲竹筦絃故右軍用之蘭亭敘而  
或者謂昭明所不取其未知班孟堅之詞耶

文選不載蘭亭

涪翁

後漢郭玉傳有老父不知所出嘗漁釣於涪水因號涪翁山谷亦以此為號

益部耆舊傳廣陵有老翁釣於涪水自號涪翁後漢  
郭玉傳亦然山谷責涪州因此為號

退之徐偃王銘

退之徐偃王廟碑銘秦桀以顛徐由邈綿蓋用楊雄

廷尉箴殷以刑顛秦以酷敗之語而意義尤遠

退之聯句

退之石鼎聯句豕腹脹彭亨乃用詩蕩包然于中國

注包然彭亨也

退之詩又澁旋皮養癰苦開腹膨臍

不子也

唐書后妃列傳


玄宗貞順皇后武氏初妃專寵封所生母楊鄭國夫  
人弟忠國子祭酒信秘書監將遂立皇后御史潘好  
禮上疏曰禮父母讎不共天春秋子不復讎不子也  
陛下欲以武氏為后何以見天下士妃再從叔三思

也從父延秀也皆于紀亂常天下共疾夫惡木垂蔭  
志士不息盜泉飛溢廉夫不飲匹夫匹婦况天子乎  
願慎擇萃族稱神祇之心薨年四十餘贈皇后

民獻竭來分教玉融荒陋絕少書籍間有關疑無  
復訂正一日使君袖出此書相與誦詠片言隻字  
音辨義明迺知公之該博尤探探討宜聞之以不  
艾後學公之學問殆不止是俾來者窺一斑云若

溪雍民獻敬書

筆記終



Faint bleed-through text from the reverse side of the page, including characters like '筆記終' and '溪雍民獻敬書'.

